

Cartas nordic



Un serie de photos de locationes in le pais nordic
– e lor historia narrate in alcun lineas in interlingua como inspiration.



Interlingua – communication sin frontieras
www.interlingua.dk | www.interlingua.com

© 2017

■ **Orø, Danmark:** 893 personas vive sur le parve ma belle insula danese Orø, situate in le fundo del fiord Isefjorden, circumferite per le grande insula Selandia. Orø es circa 14 kilometros quadrate e ha quatro citates e circa 1.200 casas estive. On arriva per ferry-boat ab Holbæk – un tour de 25 minutas – o per le parve ferry-boat a cabo ab Hammer Bakke, un tour de solmente sex minutas. Pro isto on debe pagar per contantes – il non ha tempore pro le carta de credito! Le insula es belle e verde, e illo es plen de agros con le quatro typos de cereales: avena, hordeo, frumento e secale. Le vista a Selandia con le mar blau in le fronte es memorabile in un die estive con sol. *Photo e texto: Thomas Breinstrup*



Questiones

1. Es Orø un insula deserte?

2. Que es characteristic pro un insula?

3. Proque es il impossibile pagar per carta de credito sur le ferry-boat?

4. Qual del quatro sortas de cereales es usate pro pan nigre?

5. Describe le photo ab Orø.
